



22195

III

Mag. St. Dr.

P

Ius Joannes

*Prokopowii Carimiri: Colossus immortalis gloriae
et honoris virtutis, sapientiae et meritis
Pauli Joan. Wojewodaki erectus.*

Biblioteka Jagiellońska



stdr0004111

PANEG. et VITAE

Polon. Fol.

№ 1670.

678430

COLOSSUS

Immortalis Gloriæ & Honoris,
Virtuti, Sapientiæ, & Meritis,

Perillustres, Clarissimi, & Admodum Reverendi Domini,

D. M. PAULI
IOANNIS
WOIEWODZKI,

S. THEOLOGIÆ DOCTORIS & PROFESSORIS,
Collegæ Majoris, Ecclesiarum Collegiatarum,
S. FLORIANI CUSTODIS, Pilecensis CANONICI,
Lenczyciensis CANCELLARII, Cathedralis
Cracoviensis pro Solennitatibus CHRISTI
Domini & B. V. Mariæ CONCIONATORIS,
Minogensis CVRATI,

Auspicato, in Frequentissima Nobilissimorum Hospitum Corona,
suæ Responsionis Actu,
PRO LOCO,

Inter Perillustres & Admodum Reverendos Dominos,
IN ALMA VNIVERSITATE CRACOVIENSI,
Sacrae Theologiæ Doctores,
obtinendo,

^A
M. CASIMIRO PROKOPOWIC,
Philosophiæ Doctore, Novodvorsciano Rhetorices Professore,
in vim debitæ Venerationis & observantiæ,
opere Elogiastico

RECTVS.

Anno Domini 1691. 6to. Kalend. Septembr.

CRACOVIAE, Typis Universitatis.

COLOSSUS

Immortalis gloriæ & Honoris.

AD excelsa fastigia Regum ascendere,
triumphales gloriæ pompas,
Thronos, Purpuram,
& immortalis Septizonia honoris moliri;
tam dulce est mortalibus,
quàm maximis opum, fortunarumq; impendijs,
fervido Nominis voto,
fastu ac viribus, & cælato opere,
superbæ Antiquitati
pro sublimibus laboratum est Colossis.

Ita,

*impulsu gloria maximo,
ceu percitus æstro, quisq; mortalium
eminere, non deprimi,
capacem cuiusq; aspectus Orbis serenare vultum,
non squalere in tenebris,
supercilio honoris gaudere & potiri,
non casto pumilionum studio,
ad exesas montium rupes circumstrepere cupit.*

Cunctos ad immortalitatem suo flamine gloria accendit,
& respectus instigat honesti.

Hinc plurimi, non feruentiori desiderio vitam,
nec maiori pretio cogitata cimelia rerum;

quàm excelsas honoris mercantur opes,
& pro immortalibus gloriæ fastis decertant;
utriq; commune & ingens studium est:

& quem virtus, deriuatq; à Dijs vîq; Genius Generis,
magnâ felicitatis industriâ,

à vili contemptaq; discrevit plebecula;

& quem fors angusta, ad inopiam strictis suis legibus damnavit;
quomodo se humo tollere possint,

& alti gradibus honoris scandere lumina fastigia;
licet non utriq; idem pro gloria labor.

Absumunt pretia rerum mortales,
grandi laboris anhelitu,



S fragilem interdum corporis sui exhauriunt thesaurum,
profundunt opes, non cauent pericula rerum,
damna ingentia non apprehendunt solliciti;
dummodo post se relinquunt, admirandi cuiusquā operis negotiū,
& sublimes gloriæ immortalis,
Nominis sui elogio sculpant Colossos,
quos laudet, & stupeat sera Posteritas;
aut æmulâ Meritorum, Honorisq; magnitudine,
ad similes heroico impulsu accendatur ausus.

*Etenim non tantum laudari, haberiq; secundis à fortuna rebus
sed exponi in exemplar, quod imitentur ceteri,
quisq; se magno adigit ausu,
& omnem movet lapidem;
ut his artibus industria secula vincat.*

Et quòd interdum laudamur,
virtus, aut stulta assentatio populi argumentum est,
parumq; sic proficit ad immortalitatem memoria nostri,
si ad speciem tantum,
vanis adulantium plausibus vrgemur.

Felicius ferimur per manus,
perque ora volitamus virorum,
si exactis ad mensuram temporum annis,
statoque Superum decreto,
in aliam huic longè dissimilem vitæ stationem evocati,
hic relinquimus;
quòd æterna virtus, immortalibus titulis
nobis ad gloriam, veluti indelebilis monumentum honoris,
omni ære perennius,
excelsis scribat in Colossis.

H O C T U A

Diviniori metallo cælata virtus,
& omni pretio rerum æstimata Sapiaentia,
stupendo, gloriæ immortalis, & honoris assurgit opere,
Perillustis, Clarissime, & Admodum Reverende Domine,
D. PAVLE WOIEWODZKI,
sublimem quamq; Virtutum & sapientiæ celsitudinē,
Tuorum altitudine meritorum, & ingenio,
adæquans Colosse.
Basilicum in Te Virtutis & Sapientiæ opus,

quod felicius Mirone,
augustius Praxitele ipso,
solicitus construxit labor,
meritò Lechicus veneratur & suspicit Orbis;
qui nihil mediocre, nihil humile,
præterquam animi Tui submissionem;
nihil non magnificum,
à felicioribus vsq; progressus Cunis cogitasti.
Sape namq; Adolescentum pectora & animos,
magnus gloria inflamat ardor;
ut egregio bullati Papyrii facto,
viros se in prætexta monstrent;
& conclamatum inter leues gestientis ætatis lusus,
viri aliquando altiùs in Remp: sublato,
magno consensu fortunæ consalutent Regem.

Hæc Te Vir Maxime,

omni meliori voto arripuit,
traxitque fax mentis honestæ gloria,
Tuæque virtuti non aliud imposuit negotium,
nisi ut Te summo Honoris artificio,
in sacro fundamento virtutum,
maximis fidei Orthodoxæ firmatum basibus,
ingenti dedolatum labore,
solicitudine & ingenio felicem,
moribus & cultâ Adolescentiâ conspicuum,
ornatum sapientiâ,
sublimem formaret in Colossum.
Sponte quippe iuvant,
& maxima dant ad honorem auspicia Divi Præsides,
si dignum inveniant fastigio Caput.
Non infrequenter evenit,
Agathoclem vix parem figulis,
parem, si non altiozem Regibus evasisse.
sæpe cælum & fortuna voluit,
ab aratro Fabricium,
quem trepida ante boues Dictaturam induit vxor,
Fascibus post boues, & imperio Romanisq; præficere;
ut qui procul invidiâ, procul ambitione & vitijs,
exiguo

exiguo virtutem privatus sanctè coluit agello,
admissa in Remp. scelera,
publico consensu legum,
flagello Iustitiæ cæderet Dictator.

Tibi Sapientissime Doctor,

non infima Sors nascendi contigit;
sed quia fumosas Maiorum imagines,
genus Nobile,
absque virtute & meritorum adminiculo,
uilius algâ censuisti,
ideo claris Natalibus ortus,
non confusus sanguini;
quem à magnis Parentibus traxisti,
etiam virtutem, gemmeos sine pretio mores,
& verum amplexus laborem,
prima gloriæ & Honoris Tui inde auspicatus es tyrocinia,
unde non erubuisti,
in excelsum sapientiæ, & immortalis famæ
surgere Colossum.
Continuò sudati dedolabant Te labores, in opus magnificum;
sed magis efformabat virtus:
consumatus tanti operis artifex mentis augustæ providentia,
addebat semper & pretium & decorem Tibi:
expollicebat felix illa magnorum ingeniorū dolabra,
integerrima ædificabant innocentis vitæ exempla,
sublimabat Sapientia,
firmabat exacta ad Lydium lapidem vitæ perfectio;
donec ex voto augustæ Matris,
nutricis nutriciæq; Regum,
Celeberrimæ Vniuersitatis Cracoviensis,
reuirescentes Tibi advenêre Coronæ,
quæ Te felicius,
Perillustris, & Admodum Reverende Domine;
quàm superbas olim,
sua Phalærei Attica præcinxit statuas lauru.
Quidni Tuo illæ debeant
opere & artificio coæquari Colosso?
quæ ambitioni, ad breuem decursum annorum,

immodico fastu ponebantur :
Hic Tuus stabit immortalitati,
& sæcula vincet.

*Frustra Rhodus coram Orbe,
solis iactavit Colossus :*
frustra scalprum, ferras, malleos, & artifices fatigavit,
ut superbo laboris molimine
æternitati opus porrigeret ;
quod suis tantò ignominiosius corrui fragmentis,
quantò maiori dementiâ & sacrilegio,
consecratum Soli,
nunc prope vix non fabulam olet.

*ruunt enim sublimi elevata fastigio,
& suorum malorum fasce obruta iacent,
qua vana ambitio, fastusq; ingens extulit in altum.*

*Et nisi ex sententia Democriti,
magno fame anhelitu turgidi suam circumdant altitudinem,
sensum & immortalitatem non relinquunt.*

Magnum quidem aliquid spirare videntur,
sed parum valent,
& momento suâ mole ex oculis abeunt,
quæ ingens vanæ gloriæ, & ambitionis stimulus,
quasi æternitati parabat.

Quod si ex umbra Cedrus,
ex saxis Pyramides,
& ex bracteato opere Capitolium cognoscitur.

T U

Vir Maxime.

ex augusto sapientiæ artificio,
immortalis gloriæ & Honoris structura
diceris Colossus :

Rhodio felicior :

Nam maiori prudentiâ factus,
& uni D E O,
veroque Numini,
non falsa superstitione Soli Sacratus,
verum est,

quia

quia ut sol in meridie,
clarissimis Sapientiæ fulges splendoribus;
& ubique in vultus omnium,
serenâ fronte, & virtutum augustâ maiestate.
oriris, ceu sol post nubila clarus.

Verum est,

quia Te summa laboris sollicitudo perfecit,
minori intervallo annorum,
quàm suum Rhodus Colossus:
etenim maiori passu, & virtute,
Tu saltâsti Rhodum & saltum;
non tamen per saltum,
sed ex intervallo,

**Magnus in Sapientia evasisti Doctor
& Colossus.**

Vbi fama, iam scribat,
laudatissimæ Professionis Tuæ in Academia momêta,
non levi laboris curriculo,
emenso ad utraq; Collegia altiores gradus;
scribat & gloriam,
quâ non mediocriter animatus,
etiam fortunatissimum per Amnem,

**Illustrissimorum & Excellentissimorum
Principum S. R. I. LVBOMIRSCIORVM,**

velis remisq; meritorum contendens,
ad portum Honoris adnavigâsti,
Iasone felicior Nauta:
nam ille aureo nonnisi vellere:
Tu Nominis immortalitate,
pro qua omni pretioso certatur paratu,
potitus es.

Fecisti Maxime Doctor PAVLE,
in Principe Domo,
cum Ill: FRANCISCO Olſztinenſi,
B₂ GE-

GEORGIO Casimirienſi,
CAPITANEIS:

Illuſtriſſimi & Excellentiſſimi olim,

GEORGII LVBOMIRSKI,
Supremi Regni Poloniae Mareſchalci,
& Exercituum Campiductoris,
Filijs Heroibus;

vt PAULUS Athenis cum Dionyſio fecerat,
niſi quòd ille ex Duce Sapienſiæ;

Tu ex S. R. I. Principibus,
etiam Duces Sapienſiæ, & Bellonæ Antefignanos
Agamemnones formaliſti.

O quàm iucunda Tui, non tantùm Nominis;
ſed Profeſſionis etiam, & fidei
cum Tuo Apoſtolo cognatio eſt!

Nam ille ex perſecutore Eccleſiæ,
deſtructoreque; fidei deſenſor,
& artifex Verbi DEI factus,
ut Athenas veram edoceret Sapienſiam,
ſtultitiā huius mundi Sapienſiam edixit;
ut omnes falſorum ſtatuas Deorum demoliretur,
unam nonniſi Ignoto DEO non permiſit evelli,
& quem nondum cognoverant,
unum ipſe adorare & colere DEVM,
manifeſtavit:

Tu Divinæ Doctor Sapienſiæ,
quia ſimiliter vt Apoſtolus agis,
& non habes, quas Deorum ſtatuas tollas,
magnificum ſapienſiæ aſurgis in Coloſſum;
ut olim Ignoto DEO,
ſtes tota æternitate dicata ſtatua,
cum hac gloriæ Epigraphe:
uni DEO Coloſſus eſto.
ſed iterum, ſcribat murice purpureo,

Tuas

Tuas Decanales curas improbus labor;
scribat perplexos, vastosq; consummati Cursus Philosophici passus
scribat Professionis Tylicianæ elogia, in Colosso?
quibus Polonum, literatumq; implevisti Orbem;
& summus pro Rostris Academicis Orator,

Mortem,

Illustrissimi, & Excellentissimi Principis,

DEMETRII GEORGII

K O R Y B V T H,

Ducis in Wisniowiec & Zbaraz,

Castellani Cracoviensis,

& Supremi Exercituum Regni Poloniae Ductoris,
diserto satis, & laudasti, & doluisti calamo.

venit & exinde immortalis gloria Nominis,

scire Viros Principes laudare.

ut enim ingeniosi quique ex industria artifices,

ex pretio & honore metalli;

ita exacta ingenia ex magnorum laudibus Virorum,

suam aestimationem merentur.

Non aliter Vir Maxime,

census & expensus es in domo sapientiæ;

quàm ut par cuiusq; sublimitatis existeres laudator.

Ideò inter porticus Stoæ non relictus,

evocatus ad diviniore scientiæ magna subselia,

stetisti opere mirando;

² Cursum Theologicum,

¹ etiam ibidem immortalis gloriæ Colossus,

³ vix non binis laborum Olympijs emensus,

magnus gloriæ stadiodromus,

iam quidem immortalibus coronatus trophæis,

stetisses in Capitolio Sapientiæ,

nisi Te disertum Ecclesiastem,

in sublimi Coronati Vavelli vertice,

boni Superi, amorque, videndi pulchra & egregia,

Votaque, Illustrissimi & Excellentissimi Domini,

D. GEORGII VANDALINI

M N I S Z E C H,

Palatini Volchyniæ &c. &c.

non uni tantum Poloniæ,
sed Galliæ, Germaniæ, Belgis, Latio,
cælati operis Colossus ostendere voluissent,
eò maiori gentium miraculo,
quò ubique virtute, & sapientiâ conspectior,
præsertim Lovanii in Celeberrimo illo Studio apparebas.

*Nefas est domestico virtutem premere in angulo,
si alibi pulchriori voto,*

Nominis immortalitatis gloria succurrit.

Vidit Te Gallia, vidit & Sorbonæ Maiestas;
sed etiam & Colossus sapientiæ admirata est.

vidit Orbis delictum Hesperia,
tantoque coluit intimius, quanto felicius,

Sanctissimo olim Pontifici Romano

ALEXANDRO VIII. dilectus,

exoticam docuisti Sapientiam,
posse eiusmodi in Polonia erudiri PAULOS,

qui non solum Athenis coram Areopagitis,

sed Romæ in Capite Orbis,

& coram Purpurato Ecclesiæ Senatu
atque Sanctissimis Pontificibus disputent.

itaque Celeberrime Doctor,

iam Divorum ope, auxilioque virtutum,

sapientiæ & laboris impendio,

capesse Theologici Honoris fastigium,

& Te in sublimem attolle verticem gloriæ Colosse?

Viue ex fastis sapientiæ, immortalis secula honoris,

Orbis Literati DECUS & CORONA?

ascende, ut soles meritis plus ultra?

quò superi, laborque, pro DEO vocaret?

fata volunt, virtusque poscit, ascende?

ut sis gloriæ immortalis,

Sapientiæ, & Honoris,

COLOSSVS.

Permissu Magnifici Domini

RECTORIS.



edna

us,

s,

OTH: UNIV



LONDON

